

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10), na prijedlog Ministarstva za prostorno uređenje, promet i komunikacije i zaštitu okoline, Vlada Zeničko-dobojskog kantona, na 118. sjednici, održanoj dana 23.11.2017.godine, d o n o s i

## ZAKLJUČAK

### I.

Daje se saglasnost na Sporazum o međusobnoj saradnji Zeničko-dobojskog kantona i Tuzlanskog kantona u oblasti prostornog planiranja i korištenja zemljišta na nivou FBiH, koji je sastavni dio ovog Zaključka.

### II.

Ovlašćuje se Premijer Zeničko-dobojskog kantona da u ime Zeničko-dobojskog kantona potpiše Sporazum iz tačke I ovog Zaključka.

### III.

Potpisan Sporazum iz tačke I ovog Zaključka dostavit će se Skupštini Zeničko-dobojskog kantona na znanje i Federalnom ministarstvu prostornog uređenja na realizaciju.

### IV.

Zaključak stupa na snagu danom donošenja.

**PREMIJER**

*Miralem Galijašević*

Broj: 02-23-\_\_\_\_\_/17.

Datum, 23.11.2017. godine

Z e n i c a

DOSTAVLJENO:

- 1x Ministarstvo za prostorno uređenje, promet i komunikacije i zaštitu okoline,
- 1x Ministarstvo za poljoprivredu, šumarstvo i vodoprivredu,
- 1x Premijer Zeničko-dobojskog kantona,
- 1x Skupština Zeničko-dobojskog kantona, putem ministarstva,
- 1x Premijer Tuzlanskog kantona, putem, putem ministarstva,
- 1x Skupština Tuzlanskog kantona, putem, putem ministarstva,
- 1x Federalno Ministarstvo prostornog uređenja, putem ministarstva,
- 1x a/a.

Na osnovu inicijative Općine Olovo i Rezolucije Općinskog vijeća broj: 01-01-3-1103 od 17.05.2013. godine, i u vezi sa članom 8. Zakona o principima lokalne samouprave u Federaciji Bosne i Hercegovine („Službene novine FBiH“, broj: 49/06) Zeničko-dobojski kanton, kojeg zastupa premijer Miralem Galijašević i Tuzlanski kanton, kojeg zastupa premijer Bego Gutić, zaključili su

## **SPORAZUM**

### **I – Uvod**

Ovaj Sporazum zaključuje se kao izraz volje strana potpisnica u cilju održavanja dobre regionalne saradnje dva kantona i partnerske saradnje a u vezi sa prostorno-planskim aspektima korištenja vodnih resursa rijeke Krivaje.

### **II - Predmet sporazuma**

Potpisnici Sporazuma su saglasni da je neophodno u Prijedlogu Prostornog plana FBiH (2008.-2028.) uvažiti zahtjeve lokalne zajednice koji proizilaze iz člana 8. Zakona o principima lokalne samouprave prema kojima općine samostalno odlučuju o pitanjima iz vlastite nadležnosti koje ne mogu biti ograničene ili uskraćene od federalnih ili kantonalnih vlasti i člana 4. stav 6. Evropske povelje o lokalnoj samoupravi prema kojoj lokalne vlasti u najvećoj mjeri trebaju biti konsultovane u procesu planiranja.

U tom smislu potpisnici sporazuma su saglasni da je potrebno sagledati mogućnost višenamjenskog korištenja vodnog resursa rijeke Krivaje prvenstveno vodosnabdijevanja, hidroenergetskog iskorištenja i zaštitu od voda i zaštitu voda imajući u vidu Studiju višenamjenskog korištenja rijeke Krivaje.

### **III – Cilj**

Osnovni cilj ovog Sporazuma je stvaranje pretpostavki i davanje mogućnosti za izradu planova nižeg reda, odnosno donošenje prostornih planova općina i usaglašavanje planova višeg i nižeg reda.

### **IV – Obaveze po Sporazumu**

- Potpisnici Sporazuma obavezuju se da isti dostave na znanje Skupštinama Zeničko-dobojskog kantona i Tuzlanskog kantona.

- Potpisnici Sporazuma obavezuju se da radi pokretanja aktivnosti na izradi Studije višenamjenskog korištenja rijeke Krivaje kojom će se u smislu odredaba člana 17. stav (2) Zakona o prostornom planiranju i korištenju zemljišta na nivou Federacije BiH, utvrditi potrebe regionalne opskrbe vodom dva kantona, što će biti osnov za podnošenje Amandmana Parlamentu Federacije BiH na Prijedlog Prostornog plana Federacije BiH 2008.-2028.

Potpisnici Sporazuma:

Za Zeničko-dobojski kanton Premijer Miralem Galijašević \_\_\_\_\_

Broj: 02-\_\_\_\_\_ /17.

Datum, \_\_.\_\_.2017. godine

Z e n i c a

Za Tuzlanski kanton Premijer Bego Gutić \_\_\_\_\_

Broj: 02-\_\_\_\_\_ /17.

Datum, \_\_.\_\_.2017. godine

T u z l a

**DOSTAVITI:**

- 1x Ministarstvo za prostorno uređenje, promet i komunikacije i zaštitu okoline,
- 1x Ministarstvo za poljoprivredu, šumarstvo i vodoprivredu,
- 1x Premijer Zeničko-dobojskog kantona,
- 1x Skupština Zeničko-dobojskog kantona, putem ministarstva,
- 1x Premijer Tuzlanskog kantona, putem, putem ministarstva,
- 1x Skupština Tuzlanskog kantona, putem, putem ministarstva,
- 1x Federalno Ministarstvo prostornog uređenja, putem ministarstva,
- 1x a/a.